



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmmæ Virtvtvm, Ac Vitiorvm , Tomus ...**

**Guilelmus <Peraldus>**

**Lvgdvni, 1585**

De his quæ aduersantur Prudentiæ, & de 12. stultitiis eorum qui peccant.  
Cap. VI.

[urn:nbn:de:hbz:466:1-46132](https://nbn-resolving.org/urn:nbn:de:hbz:466:1-46132)

ficere putes mandata memoriae tenere, & operibus oblitiscere. Idem: diuinas scripturas sapius lege, imò nunquā sacra lege de manu tua deponatur. ¶ Septimum est, vt de sapientia a Deo accepta non sit ingratus, sed datorem suum glorificet. Eccl. 1. Danti mihi sapientiam dabo gloriam.

*De his quæ aduersantur Prudentiæ. & de 12. stultitiis eorum qui peccant.* C A P. V I.

**V**idetur aduersari Prudentiæ, primò stultitia, quæ est appetendariū & vitandariū non qualibet, sed vitiosa ignorantia, vt ait Aug. in lib. de libero arbitrio. Est autem ignorantia vitiosa, si afflit affectatio nesciendi quæ agenda sunt vel vitiosa vel negligentia sciendi. Bern. in lib. de 12. gradibus humilitatis. Frustra, inquit, sibi de infirmitate vel ignoratiā blandiuntur, vt liberius peccent, libenter ignorant vel infirmantur. Aug. per illud Psalm. Noluit intelligere, potuit intelligere, vt ageret, sed noluit, & ita veniam non habet. Greg. in Moral. scire, ignorantia est: scire noluisse, superbia. Bern. in epistola. Multa nesciuntur, aut sciendi, incuria, aut discendi, desidia, & verecundia inquirendi. Et quidem huiusmodi ignorantia non habet excusationem. Secundo videtur aduersari prudentiæ vituti vitiosa prudentia vel sapientia, quæ videtur posse distinguui in tres species. ¶ Prima est, prudentia siue sapientia carnalis de qua Ro. 8. Sapientia carnis inimica est Deo. Et in eodem. Prudentia carnis mors est, id est, causa mortis æternæ. Vbi dicitur Prudentia carnis est, eū quis studiosius implet, quæ carnis fructus. Aug. in li. de quantitate animæ: Est noxium genus arcium quæ animi valerudo fanciatur. Idem: Odore & sapore mire diuina pulmenta, & quo lacu piscis captus sit nosse dicere, quædam miseranda peritia. Sen. in epistolis: In membris alius pretiosius aues scindit & per pectus, & circumferens eruditam manum frustra excutit. Infelix qui huic vni rei viuit, vt altilia decerpere fecerit: nisi quæ miserior est, qui hoc voluptatis causa docet, quæ qui causa necessitatis discit. Ad discere ab his quibus dominari notitia subtilis est, qui sciunt cuius rei sapor illum excutit cuius delectet aspectus. Et hæc prima species sapientie vitiosa ad delicias pertinet. Vnde super illud 2. Cor. 1. Non in sapientia carnali dicit glo. Quæ est voluptates diligere, labores vitare. ¶ Secunda species est sapientia terrena, quæ pertinet ad diuina. Bar. 3. Filij Agar qui exquisierunt prudentiam quæ de terra est vel malitiam. Diabolus enim primò honorem diuinum appetit.

post hominē malignē inuidit. Ierem. 4. Sapientes sunt ut faciāt  
 mala, glo. malitiosi. De his tribus speciebus sapientiæ tangitur  
 Iacob 3. Non est, inquit, sapientia ista desursum, sed terrena,  
 animalis, diabolica. Animalem vocat sapientiam carnis. Sa-  
 pientiæ terrena aduersatur sapientia filij Dei pauperis facti, in  
 principio doctrinæ suæ paupertatem commendantis. Matth. 5.  
 Beati pauperes spiritu. Et eandem consulentis. Matthæ 119. Si  
 vis esse perfectus, vade & vende omnia quæ habes, & da paupe-  
 ribus. Sapientiæ carnis videtur opponi sapiētia sanctorum, quæ  
 secundum August. est hic temporaliter cruciari, & in æternum  
 delectari, Sapientiæ verò diabolicæ sapientia humiliati: de qua  
 Ecclesiastic. 11. Sapientia humiliati exaltabit caput illius. Sed  
 contra illud quod iam dictum est, forsitan obiiciet aliquis:  
 Quomodo aliqua sapientia possit esse vitiosa, quum omnis sa-  
 pientia à Domino Deo sit? Eccles. 1. & Baruch 3. Hic adinuenit  
 omnē viam disciplinæ. ¶ Etiam scientia mali bona est. Si scien-  
 tia mali mala esset, & eum in quo est malū efficeret, Deus qui  
 omnia mala scit, magis malus esset quàm cæteri. Ad hoc dicitur  
 est, quòd sapientia vitiosa pro magna parte sui sapientia  
 non est, sed error: sicut dicit Aug. quòd disciplina mali non est  
 disciplina. Et super illud Rom. 8. Prudentia carnis mors est, di-  
 cit gl. Prudentia dicitur, quum res stulta sit, quia ita videtur  
 secularibus hominibus. 1. Cor. 3. Sapientia huius mundi stulticia  
 est apud Deū. Mors manifestè ostendit sapientiam huius mudi  
 stulticiam esse. Sapientia terrena stulticia esse ostenditur: cum  
 ille qui tantum in congregatione diuitiarū laborauit, nudus in  
 terra ponitur Iob 1. Nudus egressus sum de utero matris meæ.  
 nudus reuertar illuc. Sapientia carnis stulticia esse ostenditur,  
 cum caro deliciis enutrita vermibus esca datur. Sapientia dia-  
 bolica stulticia esse ostenditur cū ille qui voluit esse super alios,  
 sub terra positus, ab hominibus, porcis & canibus conculcatur.  
 Ecclesiastic. 11. Si annis multis vixerit homo, & in omnibus his  
 factus fuerit, meminisse debet tenebrosi temporis: id est, mor-  
 tis, & dierum multorum, scilicet vitæ futuræ, quæ non habe-  
 bit finem, qui cum venerint, vanitatis arguentur præterita.  
 ¶ Et notandum quòd secundum Gregor. in 1. parte Moralium,  
 huius mundi sapientia est, cor machinationibus tegere, sensum  
 verbis velare, quæ falsa sunt vera ostendere, quæ vera sunt falsa  
 demonstrare. Scientia etiam aliqua licet sit vera scientia, vitiosa  
 potest dici ratione studiositatis quæ eam præcedit. Vnde super  
 illud Roma. 8. Prudentia carnis mors est. dicit gl. quæ est quum  
 ca

ca studiosus implet quæ carnis sunt. Vel potest dici vitiosus propter vsum vitiosum eius. Eccl. 19. Est prudentiæ nequitia in ipsa execratio: vñ enim nequaquam eius execrabilis est. ¶ Et notandum quòd disciplina mali dupliciter potest intelligi. Vno modo, vt ille genitiuus notet materiã, de qua est disciplina: & sic disciplina mali bona est, & à Deo est. Vel sic vt notat finem ad quem est disciplina: & sic est disciplina mali, id est, malum: mala est, in quantum est ad malum, & est ab homine vel diabolo. Et idem intellige de illo verbo Eccl. 11. Non est prudentia nequitia disciplina: disciplina enim nequitia si sit vitandum nequitiam, bona est: si ad faciendum, in quantum est mala. Item videtur quodammodo prudentiæ aduersari aut præsumptio vi elatis. Aug. loquens de illo verbo Apostoli, Dicitis se esse sapientes, stulti facti sunt, ad Ro. 1. Si dicedo, inquit te esse sapientem stultus factus es: dic te esse stultum, & factus eris. Matt. 11. Abscondisti hæc à sapientibus & prudentibus. Cor. 3. Si quis inter vos videtur sapiens esse in hoc seculo, stultus fiat vt sit sapiens. Prou. 26. Vidisti hominem sibi sapiens videri, magis spem illo habebit insipiens. Greg. 3. parte Moralium: Valde difficile est, vt is qui se sapientem æstimat, mētē ad humilitatem reducat, & recte prædicantibus credat. Greg. Moral. Quia prima stultitia angeli elatio cordis fuit: vera pietas efficitur hominis, humilitas suæ æstimationis. Item prudentiæ quodammodo aduersari videtur cōcupiscentia inordinata. Aug. 1. lib. Conf. Spargis pœnales cæcitates supra illicitas cupiditates. Psal. Supercecidit ignis, & non viderunt solē. Item prudentiæ videtur quodammodo aduersari societas insipientium. Prou. 13. Qui cum sapientibus graditur, sapiens erit: amicum autem stultorum similis eis efficitur. Sen. in epistolis: Rem facillimam ratio exigit, secundum naturam suam viuere: sed haec difficilem facit communis insania. Vocatur insania, insipientia eorū, qui se reputant sapientes. Simplicem stultitiam habent, nesciunt quæ scienda essent, & ignorantiam suam agnoscunt: qui ignorantiam suam non agnoscunt: quasi insani sunt. Insania enim credit se esse sapientē, quū sit valde stultus. Miserabilis cæcitas eorum qui cæcitatem suam etiam non agnoscunt: quæ accidit sicut cuidã fatuæ, de qua loquitur Sen. in epistolis. Ad pastam, inquit, vxoris meæ fatuam scis hereditarium oronem in domo mea remāsisse. Hęc fatua subito desinit videre. Incredibilem rem narro tibi, sed veram: nescit se esse cæcam. Inde dagogum suum rogat, vt migret, ait domum tenebrosam esse.

Hoc quod in illa ridemus, omnibus nobis accidere liqueat tibi. Nemo se auarum esse intelligit, nemo cupidum, cæci ducere quærun. Nos sine duce erramus, & dicimus: non ego ambitiosus sum, sed nemo aliter in vrbe viuere potest: nõ ego sumptuosus sum, sed vrbs magnas expensas exigit. Quid nos decipimus: nõ extrinsecus malum nostrum, intra nos est, in visceribus fedet: ideo difficulter ad sanitatẽ peruenimus, quia nos ægrotare nescimus. ¶ Et notandum quod secundum communem modum loquendi, & secundum modum etiam loquendi quem habet sacra scriptura, insipientia, vel imprudentia, vel stultitia non solum pertinet ad intellectum, sed etiam ad voluntatem & operationem. Vnde stultus est omnis peccator: & maxima stultitia est peccare, & maxima sapientia recte viuere. Chrysostomus: sapientia est, nõ eloquia Dei scire, sed secundum eloquia Dei viuere, & eloquia Dei timere. Iob 28. Dicit homini diuinitus esse contentum, quod timor Domini ipsa est sapientia: & recedere a malo intelligentia. Ecclesiast. vii. Finem loquendi omnes pariter audiamus: Time Deum, & mandata eius obserua. Loquela est ad sapientiam edocendam: sermo enim proprius nuntius est rationis doctæ. Homini indocto magis conuenit tacere, quam loqui. Finis ergo loquendi, id est, illud ad quod finaliter est loquenda, est sapientia consummata, quæ consistit in timore Dei & obseruatione mandatorum eius. Sine timore Dei nihil sapientia videretur haberi, quum timor Domini principium sit sapientiæ. Prover. i. Sicut non reputaretur sapiens, qui non timeret furari, vel rapere in terra illius domini qui districtissime faceret iustitiam: sic non est sapiens qui non timeret offendere Dominum illum qui nobilissimam creatura damnauit irrecuperabiliter pro vno peccato superbiæ. Luc. 10. Videbam sathanã quasi fulgur cadentem de celo. Et pro peccato primorum patrum, totum genus humanum damnauit exilio & temporali morte. Et pro peccato luxuriæ, totum mundum, exceptis octo personis aquis saluauit submersit. ¶ Et notandum quod licet valde necessarium sit sapienter intelligere, quia occasio est vt homo sapienter velit sapienter operetur: & insipienter intelligere valde sit periculosa, eo quod sit occasio insipienter volendi & insipienter agendi: tamẽ sapere vt est in solo intellectu, non est Deo gratum, nec homini meritorium, nisi attingat voluntatem vel operationem. Nec insipientia in solo intellectu danabilis est, donec attingat voluntatem vel operationem: vt scilicet insipienter velit, insipienter agat. Qui sapiens est solo intellectu, insipiens ve-

in voluntate & operatione, insipientius videtur se habere quam si non haberet sapientiam in intellectu. Sicuti duobus procedentibus per viam publicam, si denient in viam quæ mittit eos in manus laronum qui eos iugulent, vnus sciens, alius nesciens, stultior in hoc reputabitur qui sciens deuiauerit, quam qui nesciens. Et insipienter vadit, qui de die corrumpit vel occidit, quam qui de nocte. Iob 5. Per diem incurrunt tenebras, quasi nocte sic palpabunt in meridie.

*De xij. stultitiis, quibus peccantes mortaliter adherent.*

Et notandum quod qui mortaliter peccat, multum stultus est. Et tangemus xij. stultitias quæ in eo qui peccat possunt agnari. Prima est, quod ipsemet se excæcat. Sap. 2. Excæcavit malitia eorum. Gregor. Oculos quos culpa claudit, peccata claudit. Secunda est, quod seipsum diabolo illaqueat. Iob 18. Intrauit in rete pedem suum. Gregor. Qui pedes in rete mittit, quum voluerit eicit: sic qui in peccatis se deiecit, non quum voluerit surgit. Prouerb. 5. Iniquitates suæ capiunt eum, & funibus peccatorum suorum quisque cõstringitur. Peccat volens, vincitur ab hoste crudeli qui non miserebitur. Grego. Debilis est hostis qui non vincit nisi volens: ipse enim volens se præcipitat. Matth. 4. Si filius Dei es, mitte te deorsum. Gloss. In quo infirmus ostenditur, quod nulli nocere potest nisi prius ille se deorsum miserit. Tertia est, quod quilibet in seipsum manus iniicit infligendo sibi vulnus inuisibile. Ecclesiast. 22. dicitur de peccato: Plaga illius non est latas: imò quod plus est, seipsum occidit. Sapient. 16. Homo per malitiam occidit animam suam. Ecclesiast. 22. dicitur de peccato: Dentes leonis dentes ipsius interficientis animas hominum. Peccatum dicitur mors animæ: quia à Deo separat qui est vita. Augustin. Vera mors est quam homines non timent: separatio animæ à Deo quæ est beata vita animarum, vel quia auferuntur vitam præteritam & præsentem. Bern. super Cantic. Quammitius me priuareis o amara mors vitæ vsu, quam fructu. Vita sine fructu, grauior mors. Denique duo mala patantur homini infructuose, securis & ignis. Quarta est, quod bona sua proicit. Osee 7. Proiecit Israel bonum. Qui cadit per mortale peccatum, omnia bona quæ vnquã fecit amittit. Bona quæ agit in statu illo vera bona non sunt: quia non sunt sibi propria, qui mortale peccatum committit, quasi ignem in propria domo ponit, qui omnia destruat. Luc. 10. tangitur de quibus stultitiis modò dictis, vbi legitur de illo qui incidit in

ones, qui despoliauerunt eū, & plagis impositis abierūt semi-  
 natio relicto. ¶ Quinta est, q̄ se charissimè emptū à Deo, diabolo  
 viliissimè vedit. 1. Pet. 1. Non corruptibilibus auro & argento re-  
 depti estis, &c. sed pretioso sanguine Agni, &c. Pro. 10. Cor im-  
 piōrū pro nihilo. Esa. 52. Gratis venundati estis. ¶ Sexta est, q̄ ab  
 auctore omnium bonorum recedit: ideo non est mirum si malè  
 sit ei. Aug. Tale bonum est Deus, vt nemini eū deserētī bene sit.  
 Olee 7. Vā eis, quoniā recesserūt à me. Aug. in lib. Soliloquiorū:  
 Deū relinquere, idē est quod perire. ¶ Septima, q̄ cū omnipoten-  
 te guerram facere præsūmit: quā guerra citò finita esset, si mi-  
 sericordia Dei permitteret, q̄ diabolus eum iugularet. Thre. 3.  
 Misericordiā domini quia nō sumus consumpti. ¶ Octaua est, q̄  
 ei seruit cuius gratiā acquirere nequit. Greg. Stultum est seruire  
 diabolo offenso, qui nullo placatur obsequio. Quanto aliquis  
 ei amplius seruerit, tanto amplius ipse eum torquet. ¶ Nona  
 est, quod ipse sibi locū tormētī efficit. Affligitur enim peccator  
 in corde suo. Hiere. 2. Scito & vide, quia malū & amarū est reli-  
 quille te dominū Deum tuum. Qui peccat, quasi sarcinā super  
 se ponit, qua in presentī grauetur, & in futuro in infernū preci-  
 piteur. Aug. Quid est mors: depositio sarcinā grauis: sed si alia  
 sarcina nō porteretur, qua homo in gehēnam precipitetur. ¶ De-  
 cima est, quod ipse in inferno portam facit. Matt. 16. Porta in-  
 feri nō praeualebūt aduersus eam. Porta inferi dicūtur peccata  
 mortalia: quia qui in eis decedunt, in puncto ad inferna descen-  
 dunt. Job 21. Sicut qui ad portā est, propinquus est domui. ¶ Un-  
 decima est, q̄ portā paradisi sibi obstruit, & regnū calorum mo-  
 dico pretio vendit, similis Esau, qui pro lenticula vendidit ius  
 primogeniturā suā. Gen. 25. Bern. Vā vā, vapor est ad modicum  
 patens, quod æternæ felicitatis aditū intercludit. ¶ Duodecima  
 est, q̄ ad suspēdiū sciens & volens vadit: quis non reputer in-  
 sanum eum qui requisitus quò vadat, & respondet, suspendere  
 me vado: Sic nullus sapiens reputandus est, qui in mortali pec-  
 cato est, cum singulis diebus vnā diētam magnam faciat ad  
 infernale suspēdiū. Eccl. 6. Quid habet amplius stulto sapiēs,  
 & quid pauper nisi vt pergat illuc vbi est vita? Hic discernit ve-  
 re inter sapientes & stultos, quòd sapientes vadunt ad vitam  
 æternam, stulti verò ad mortem æternam. De stultitiis singu-  
 lorum peccatorum, require in tractatu de Vitiis.

*Tertia partis principalis de quatuor virtutibus car-  
 dinalibus Tractatus III. De Temperantia.*